

ԶԵՌՆԱԴՐՈՒԹՅՈՒՆ ԱՐԱՐԱՏՅԱՆ ՀԱՅՐԱՊԵՏԱԿԱՆ ԹԵՄՈՒՄ

Նոյեմբերի 26-ին Արարատյան Հայրապետական թեմի Առաջնորդանիստ Ս. Սարգիս Եկեղեցում, ս. պատարագի ընթացքում, ձեռամբ թեմի առաջնորդական փոխանորդ Տ. Գարեգին արքեպիսկոպոս Ներսիսյանի, քահանայական սրբազան ձեռնադրություն և օծում ստացան Վալերիկ սարկավազ Մարտիրոսյանը և Հովիկ սարկավազ Հայրապետյանը:

Նոյեմբերի 25-ին, երեկոյան ժամերգության ընթացքում, տեղի ունեցավ «Յերեկոյէ կոչումն քահանայութեան» կարգը՝ խարտավիւակությամբ Տ. Բարսեղ քահանա Դազարյանի, որը վկայեց նորընծաների հոգեկան ու մըտավոր պատրաստվածության ու արժանիքների մասին: Ապա նորընծաները խոստացան «յանձն առնուլ եւ կատարել զամենայն հրամանս սրբոց առաքելոցն եւ հայրապետացն եւ կալ ըստ կանոնաց նոցա», «ամենայն պատրաստութեամբ եւ ստանց ձանձրանալոյ կալ ի պաշտօնն Աստուծոյ» և պահել «զդասանութիւն ուղղափառ հաւատոյ, ընդ սուրբ Հայրապետսն ըստ երից սուրբ ժողովոց»:

Կոչման արարողության ավարտին նորընծաները հրապարակորեն արտասանեցին Հայաստանյայց Առաքելական Եկեղեցու «Հաւատոյ խոստովանութիւնը»-ը՝ ըստ Գրիգոր Տաթևացու սահմանած բանաձևի:

Հաջորդ օրը, հընթացս ս. պատարագի, տեղի ունեցավ նորընծաների ձեռնադրությունը: Պատարագիչ Սրբազան Հայրը սրբալույս մեռողով օծեց նորընծաների ճակատն ու ձեռքերը՝ վերանվանելով նրանց նոր անուններով՝ Վալերիկ սարկավազ Մարտիրոսյանը անվանակոչվեց Տ. Միևսա քահանա, Հովիկ սարկավազ Հայրապետյանը՝ Տ. Ծաֆե քահանա: Ս. պատարագին ներկա էր Ծաֆե արքեպիսկոպոս Աճեմ անը, ի պատիվ որի էլ նորընծաներից վերջինս ստացավ նրա անունը:

Այնուհետև Տ. Գարեգին արքեպիսկոպոս Ներսիսյանը նորընծաներին տվեց «զսկիհ եւ զմաղզմայն», ի նշան պատարագ մատուցելու իշխանության: Նորընծաները, դառնալով ժողովրդին, տվեցին իրենց առաջին օրհնությունը՝ «Խաղաղութիւն ամենեցուն»:

Ապա Գարեգին Սրբազանը շնորհավորական ու խրախուսական քարոզով դիմեց նորընծաներին՝ մաղթելով նրանց հավատքի ուժ և կարողություն՝ գործելու ի փառս Աստուծո, ի պայծառություն Հայաստանյայց Սուրբ Եկեղեցվո: